

PWYLLGOR CYSWLLT Y SECTOR GWIRFODDOL

Cofnodion y cyfarfod gynhaliwyd ar 8 Gorffennaf 2016

- PRESENNOL:** Mr Islwyn Humphreys (Cadeirydd)
- Awdurdod Lleol**
- Y Cynghorwyr Jim Evans, Aled Morris Jones, Alun Mummery
- Y Sector Gwirfoddol**
- Mr Andrew M Hughes (Medrwn Môn)
- WRTH LAW:** Mrs Annwen Morgan (Prif Weithredwraig Gynorthwyol – CSYM)
Mr Alwyn R Jones (Pennaeth Gwasanaethau Oedolion)
Mr John R Jones (Prif Swyddog – Medrwn Môn)
Ms Lindsey Williams (Lleisiau Cymunedol – Medrwn Môn)
Mrs Shirley Cooke (Swyddog Pwyllgor – CSYM)
- YMDDIHEURIADAU:** Y Cynghorwyr Alwyn Rowlands, Ieuan Williams;
Ms Eleri Lloyd Jones (Age Cymru – Gwynedd a Môn)
Mr Wyn Thomas (BIBPC)
-

1 CADEIRYDD

Cafwyd trafodaeth am ethol Cadeirydd y Pwyllgor Cyswllt ar gyfer y flwyddyn sydd i ddod.

Cytunwyd y dylid gohirio ethol Cadeirydd tan gyfarfod nesaf y Pwyllgor Cyswllt er mwyn cael cadarnhad am rôl bresennol Bwrdd Iechyd Prifysgol Betsi Cadwaladr o fewn y Pwyllgor.

2 IS-GADEIRYDD

Fel yr uchod.

3 DATGANIAD O DDIDDORDEB

Ni chafwyd unrhyw ddatganiadau o ddiddordeb.

4 COFNODION – 15 IONAWR, 2016

Cyflwynwyd cofnodion cyfarfod diwethaf y Pwyllgor Cyswllt Sector Gwirfoddol a gynhaliwyd ar 15 Ionawr, 2016 ac fe'u cadarnhawyd fel rhai cywir.

Materion yn codi:-

Eitem 3 - Cofnodion – 14 Hydref, 2016

Cyfeiriodd y Prif Swyddog, Medrwn Môn at y pwynt cyntaf yn Eitem 3 o'r cofnodion. Yng nghyfarfod blaenorol y Pwyllgor Cyswllt, cytunwyd gydag Arweinydd y Cyngor y dylai'r Prif Swyddog gael copi o ddadansoddiad manwl y Pennaeth Adnoddau o fuddsoddiadau'r Awdurdod yn y Trydydd Sector. Nododd y Prif Swyddog nad oedd wedi derbyn y wybodaeth hyd yma.

GWEITHRED:

Prif Weithredwr Cynorthwyol i ddilyn hyn i fyny gyda'r Pennaeth Adnoddau, sef cais Prif Swyddog Medrwn Môn am wybodaeth ar fuddsoddiad yr Awdurdod yn y Trydydd Sector.

5 ADOLYGIAD O'R CÔD YMARFER CYLLIDO A DYRANIAD CYLLIDOL Y SECTOR GWIRFODDOL 2015/16

Adolygiad o'r Cod Ymarfer Cyllido a Dyraniad y Sector Gwirfoddol 2015/6 Adroddodd y Prif Swyddog, Medrwn Môn bod y Cod Ymarfer Cyllidol wedi'i gytuno arno a bod cyllid y Sector Gwirfoddol bellach wedi'i ddyrannu. Nododd fod gan y Pwyllgor gyfle yn awr i adolygu'r Cod Ymarfer. Nodwyd bod Medrwn Môn wedi anfon holiadur i'r Sector Gwirfoddol er mwyn adolygu profiadau, cynnydd a chyfathrebu.

Gan gyfeirio at y gostyngiad mewn cyllid ar gyfer y Trydydd Sector, nododd y Cadeirydd, a oedd yn cynrychioli'r Samariaid ar y Pwyllgor hwn, nad oedd yr elusen wedi derbyn arian ar gyfer y flwyddyn ariannol hon. Roedd y broses o lenwi'r ffurflen wedi achosi rhwystrau o ganlyniad i gyfrinachedd. Nododd y byddai'n rhaid ystyried dull newydd ar gyfer ariannu'r trydydd sector yn y dyfodol.

Cyfeiriodd y Prif Swyddog, Medrwn Môn at yr Ymddiriedolaeth Elusennol a gofynnodd am eglurder gan y Pennaeth Adnoddau am unrhyw nawdd posibl a oedd ar gael drwy'r Ymddiriedolaeth.

GWEITHRED: Fel yr uchod.

PENDERFYNWYD nodi'r adroddiad.

6 TRAFOD STRATEGAETH Y SECTOR GWIRFODDOL A RÔL Y PWYLLGOR CYSWLLT

Nododd y Prif Swyddog, Medrwn Môn fod y Compact wedi'i gytuno arno, yn cynnwys yr egwyddorion a'r Cod Ymarfer Cyllido, sy'n nodi'r ymrwymïadau mewn perthynas â'r Polisi Gwirfoddoli a'r ddogfen Gweithio mewn Partneriaeth.

Nodwyd bod cynnydd wedi'i wneud mewn sawl maes er mwyn datblygu trefniadau ymgysylltu effeithiol ar gyfer gweithio mewn partneriaeth. Fodd bynnag, gellir cyflawni mwy ar sail fwy ffurfiol drwy strwythuro'r berthynas a datblygu un

strategaeth ar gyfer cydweithio e.e. Compact, Lleisiau Lleol, Bwrdd Ymgysylltu, AHNE, Fforwm Iaith Gymraeg Ynys Môn.

Cytunwyd y dylai Bwrdd Medrwn Môn drafod opsiynau pellach ar gyfer adeiladu ar drefniadau'r bartneriaeth bresennol. Cytunodd y Prif Swyddog i ddrafftio strategaeth i gynnwys y dogfennau uchod a sut y gellid eu defnyddio'n ymarferol.

GWEITHRED: Fel yr uchod.

PENDERFYNWYD nodi'r adroddiad.

7 RÔL Y SECTOR GWIRFODDOL YN STRWYTHUR SGRIWTINI'R CYNGOR SIR

Gofynnwyd am eglurder ynghylch pam nad oes gan y Sector Gwirfoddol rôl statudol ar y Pwyllgorau Sgriwtini.

Yn dilyn ymgynghoriad â'r Pennaeth Swyddogaeth (Busnes y Cyngor), cadarnhaodd y Prif Weithredwr Cynorthwyol fod rôl a phresenoldeb y Trydydd Sector yn y ddau Bwyllgor Sgriwtini drwy wahoddiad yn unig. Fodd bynnag, nodwyd bod aelodau'r Eglwys Babyddol a'r Eglwys yng Nghymru yn cael eu gwahodd fel aelodau cyfetholedig.

Nododd y Prif Swyddog, Medrwn Môn ei fod yn derbyn gwahoddiad rheolaidd i fynychu'r Pwyllgorau Sgriwtini gan Bennaeth y Gwasanaethau Democrataidd a'i fod yn cael copi o'r Rhaglen Waith Sgriwtini a blaen raglen Waith y Pwyllgor Gwaith, sydd o ddiddordeb i'r Trydydd Sector. Nododd hefyd, er nad oes gan gynrychiolwyr y Trydydd Sector unrhyw hawliau pleidleisio, ei fod yn gobeithio y byddai'r Pwyllgorau Sgriwtini yn gallu elwa o waith y Panel Dinasyddion. Nododd yr hoffai weld proses fwy ffurfiol yn cael ei mabwysiadu.

Awgrymodd y Cynghorydd Aled Morris Jones y dylid cefnogi Medrwn Môn ac y **dylai rôl y Sector Gwirfoddol yn y Bartneriaeth ac ar y Pwyllgor Sgriwtini Adfywio gael ei ffurfioli gyda hawliau pleidleisio.**

GWEITHRED: Fel yr uchod.

PENDERFYNWYD nodi'r adroddiad.

8 DIWEDDARIAD AR DDATBLYGIADAU'R PANEL DINASYDDION

Darparodd y Rheolwr Prosiect (Lleisiau Cymunedol) ddiweddariad ar y Panel Dinasyddion Lleisiau Cymunedol a'r Panel Ieuenctid. O ran cyswllt cymunedol, nodwyd bod y Rheolwr Prosiect wedi mynychu cyfarfodydd gyda Chadeiryddion ac Is-Gadeiryddion y Pwyllgor Sgriwtini yn ddiweddar.

Cyfeiriodd y Rheolwr Prosiect at y fframwaith a fabwysiadwyd gan y prosiect ar gyfer gweithgareddau ymgysylltiad cymunedol gan gynnwys sefydlu'r Panel Dinasyddion a'r Panel Ieuenctid.

Cyfeiriodd y Rheolwr Prosiect at Nawdd Loteri a dywedodd y byddai Medrwn Môn yn chwilio am gyllid allanol ar gyfer parhad y prosiectau ond fel y mae pethau ar hyn o bryd, byddai'r cyllid ar gyfer Llais Ni yn dod i ben ym mis Ebrill.

PENDERFYNWYD nodi'r adroddiad.

9 PARATOI AM Y DYFODOL O RAN DEDDFAU GWASANAETHAU CYMDEITHASOL A LLESIANT (CYMRU) 2014 A CHENEDLAETHAU'R DYFODOL

Rhoddodd y Pennaeth Gwasanaethau Oedolion grynodedb o'r Ddeddf Gwasanaethau Cymdeithasol a Llesiant (Cymru) 2014, sydd mewn grym ers 1 Ebrill, 2016 ynghyd â heriau allweddol, materion gwasanaeth a gofynion y dyfodol. Cyfeiriodd at Nodau'r Ddeddf fel a ganlyn:-

- rhoi llais i'r unigolyn, gyda grym dros y gwasanaethau y maent yn eu derbyn
- galluogi unigolion i gyflawni drwy adeiladu ar eu hamgylchiadau, galluoedd, rhwydweithiau a chymunedau;
- ymyrraeth gynnar – yn cynnwys gwasanaethau ataliol;
- cydweithio a chyd-ddylunio partneriaethau cryf.

Yn codi o'r drafodaeth, nodwyd y dylai'r Prif Weithredwr Cynorthwyol wahodd Llio Johnson, yr Uwch Reolydd Partneriaeth i fynychu'r cyfarfod nesaf.

Gweithred: Fel yr uchod.

PENDERFYNWYD nodi'r adroddiad.

10 LLEISIAU CYMUNEDOL

Darparodd y Rheolwr Prosiect (Lleisiau Cymunedol) ddiweddariad i'r Pwyllgor ar yr haenau allweddol o ymgynghoriadau a ddefnyddir mewn gwaith partneriaeth rhwng Lleisiau Cymunedol a'r Cyngor Sir mewn perthynas â'r canlynol:-

1. Yr agwedd 'Adeiladu Cymunedau';
2. Yr agwedd 'canol y ffordd' (Ymgynghoriad Llyfrgelloedd / Ymgynghoriad Cyllideb / Ymgynghoriad Hybiau Cymunedol)
3. Yr agwedd 'sylfaenol' (Clybiau Brecwast/Agwedd Gofal Ychwanegol)

Cyfeiriwyd at y fframwaith a'r fethodoleg a ddefnyddiwyd.

PENDERFYNWYD derbyn yr adroddiad.

11 BLAENRAGLEN WAITH Y PWYLLGOR GWAITH

Cyflwynwyd Blaen Raglen Waith y Pwyllgor Gwaith ar gyfer y cyfnod rhwng Gorffennaf 2016 a Chwefror 2017 ac fe'i nodwyd.

PENDERFYNWYD nodi'r adroddiad.

12 CYFARFOD NESAF

Cytunwyd y dylid cynnal cyfarfod nesaf y Pwyllgor, sydd wedi'i drefnu ar gyfer dydd Gwener 13 Hydref, 2016, yn Neuadd Gymunedol Gwelfor, Caergybi.

Diolchodd y Cadeirydd i Mr John R Jones am ei gyfraniad gwerthfawr i'r Sector Gwirfoddol a Medrwn Môn a dymunodd ymddeoliad iach a hapus iddo.

**Mr Islwyn Humphreys
Cadeirydd**